

ქ. თბილისი

საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N8, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176), შემდგომში წოდებული „შემსყიდველად“, საქართველოს შინაგან საქმეთა მინისტრის 2016 წლის 25 მაისის N268 ბრძანების საფუძველზე, წარმოდგენილი ეკონომიური დეპარტამენტის დირექტორის მოადგილის მურთაზ სიჭინავას სახით და

მიმწოდებელი: შპს „EL-GROUP“; საიდენტიფიკაციო კოდი: 401957021;

მისამართი, ტელეფონი: სოფ. დილომი, ხატაეთის ქ. №42, მე-2 სადარბაზო, ბინა №26; ტელ: 599462412;

დირექტორი: ზაალ სებისკვერამე

საბანკო რეკვიზიტები: სს „საქართველოს ბანკი“; ბანკის კოდი: **BAGAGE22**; ა/ა: **GE38BG0000000895042600**

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, 2017 წლის სახელმწიფო ბიუჯეტის დაფინანსების ფარგლებში შინაგან საქმეთა სამინისტროს მიერ გამოცხადებული SPA170006961 გამარტივებული ელექტრონული ტენდერის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშვნები.

1.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. "შემსყიდველი ორგანიზაცია" (შემდგომ "შემსყიდველი") - საქართველოს შინაგან საქმეთა სამინისტრო;

1.1.4. "მიმწოდებელი" - შპს „EL-GROUP“

1.1.5. „შესყიდვის ობიექტი“- წინამდებარე ხელშეკრულების მე-2 მუხლით გათვალისწინებული საქონელი.

1.1.6. "დღე", "კვირა", "თვე" ნიშნავს კალენდარულ დღეს, კვირას, თვეს.

1.1.7. „ტექნიკური დოკუმენტაცია“ - მიმწოდებლის მიერ SPA170006961 გამარტივებულ ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

1.2. ხელშეკრულებაში გამოყენებული სხვა ტერმინები უნდა განიმარტოს ხელშეკრულების შინაარსიდან და კონკრეტული კონტექსტიდან გამომდინარე, საქართველოს კანონმდებლობის შესაბამისად.

2. შესყიდვის ობიექტი

2.1. წინამდებარე ხელშეკრულების დანართი N1-ით („ფასების ცხრილი“) გათვალისწინებული ელექტრონათურების შესყიდვა (CPV - 31500000).

3. ხელშეკრულების ღირებულება

3.1. ხელშეკრულების ღირებულება შეადგენს: 69600 (სამოცდაცხრა ათას ექვსასი) ლარი.

3.2. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს.

4. შესყიდვის ობიექტის მიწოდების პირობები

4.1. საქონლის მიწოდებას მიმწოდებელი უზრუნველყოფს საკუთარი ხარჯებით ეტაპობრივად, დანართი №1-თ განსაზღვრულ ვადებში. საქონლის მიწოდების ადგილია: ქ. თბილისი, ქიზიყის ქ. №5.

4.2. მიმწოდებელმა უნდა უზრუნველყოს საქონლის ადეკვატური შეფუთვა, რომელიც დაიცავს მას დაზიანებისგან ან გაფუჭებისგან დანიშნულების ადგილამდე ტრანსპორტირების პროცესში.

5. შესყიდვის ობიექტის ნაკლი

5.1. მიწოდებული შესყიდვის ობიექტი უნდა იყოს უფლებრივად და ნივთობრივად უნაკლო, წინააღმდეგ შემთხვევაში ხელშეკრულების მოქმედების ნებისმიერ ეტაპზე და ასევე, მისი მოქმედების დასრულების შემდგომ, მიმწოდებელი ვალდებულია შეტყობინების მიღებიდან არაუმეტეს 5 (ხუთი) კალენდარული დღის ვადაში

უზრუნველყოს გამოვლენილი დეფექტის/წუნის/ნაკლოვანების აღმოფხვრა, შემსყიდველის მხრიდან დამატებითი დანახარჯების გაწევის გარეშე.

5.2. მიმწოდებლის მიერ ამ პუნქტით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

6. ხელშეკრულების შესრულების კონტროლი

6.1 ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი). კერძოდ: შსს ლოჯისტიკის დეპარტამენტის მარაგებით უზრუნველყოფის სამმართველოს მოთხოვნების დაზუსტებისა და მარაგებით უზრუნველყოფის სამსახურის სამეურნეო საქონლის მოთხოვნების დაზუსტების და უზრუნველყოფის განყოფილების მთავარი სპეციალისტი - ლევან თიგოშვილი (577 987034);

6.2 ინსპექტირების ჯგუფი შესყიდვის ობიექტის მიწოდების ინსპექტირებას ახდენს სისტემატიურად, საკუთარი შეხედულებისამებრ.

6.3 ინსპექტირების მიზნით, ხელშეკრულების გაფორმებიდან 3 (სამი) სამუშაო დღის ვადაში მიმწოდებელი ვალდებულია წარუდგინოს შემსყიდველი ორგანიზაციის ინსპექტირების ჯგუფს მისაწოდებელი საქონლის თითო ეგზემპლარი, რომელიც შესაბამისობაში უნდა იყოს მიმწოდებლის სატენდერო წინადადებასთან და სატენდერო დოკუმენტაციით განსაზღვრულ მოთხოვნებთან.

6.4 ინსპექტირების მიზნით წარმოდგენილი ეგზემპლარების ხელშეკრულებით გათვალისწინებულ მოთხოვნებთან შეუსაბამობისა და/ან მათი წაუდგენლობის შემთხვევაში, შემსყიდველი უფლებამოსილია მხოლოდ ერთხელ განუსაზღვროს მიმწოდებელს დამატებითი, გონივრული ვადა, - წერილობითი შეტყობინებიდან არაუმეტეს 3 (სამი) სამუშაო დღე არსებული ხარვეზის აღმოსაფხვრელად. აღნიშნული ვადის გადახედვა შესაზღვრელია მხოლოდ მიმწოდებლისაგან დამოუკიდებელი, ობიექტური მიზეზის დადგომის შემთხვევაში, რაც უნდა დადასტურდეს ფაქტობრივი მტკიცებულებით (დოკუმენტალური დადასტურება).

6.5 კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ.

6.6 შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

6.7 მიმწოდებელი ვალდებულია ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.

6.8 მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა ხარვეზის ან ნაკლის აღმოფხვრა.

6.9 ხელშეკრულების გაფორმების შემდეგ მიმწოდებელი ყველა საკითხზე მიმართავს შსს ლოჯისტიკის დეპარტამენტს (მათ შორის ხელშეკრულებაში ცვლილების განხორციელებასთან დაკავშირებით (მაგ: საქონლის მიწოდების ვადის გადაწევა და ა.შ.)).

7. შესყიდვის ობიექტის მიღება-ჩაბარების წესი

7.1. საქონელი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7.2. ამ ხელშეკრულების მიზნებისათვის მიწოდებად არ ითვლება დეფექტური/წუნდებული ან ხელშეკრულებით გათვალისწინებულ მოთხოვნებთან შეუსაბამო საქონლის მიწოდება. აღნიშნულ შემთხვევაში მიღება-ჩაბარების აქტი არ ფორმდება.

7.3. მიწოდებული საქონლის მიღებას შემსყიდველის მხრიდან განახორციელებს შსს ლოჯისტიკის დეპარტამენტის სასაწყობო სამსახურის შესაბამისი უფლებამოსილი პირი.

7.4. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი ხარვეზის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორება

8.1. შემსყიდველი ვალდებულია აანაზღაუროს მიწოდებული შესყიდვის ობიექტის ღირებულება ხელშეკრულებით გათვალისწინებულ ვადაში და პირობებით.

8.1.1. ანგარიშსწორების ფორმა - უნაღდო (გადარიცხვით).

8.2. ანგარიშსწორება მოხდება ლარებში.

8.3. ანგარიშსწორება შემსყიდველის მიერ განხორციელდება ფაქტობრივად მოწოდებული შესყიდვის ობიექტის მიხედვით, მიღება-ჩაბარების აქტის ხელმოწერის, მიმწოდებლის მიერ შესაბამისი საგადასახადო ანგარიშ-ფაქტურის გამოწერისა და შემსყიდველისათვის წარდგენიდან არაუგვიანეს 20 კალენდარული დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8.4. მიმწოდებელი ვალდებულია ანგარიშ-ფაქტურაზე მიუთითოს წინამდებარე ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მიიღოს ანგარიშ-ფაქტურა.

9. ხელშეკრულებაში ცვლილებების შეტანა

- 9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.
- 9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 9.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა გათვალისწინებით.
- 9.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში შესაძლებელია ფასის გაზრდა. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 9.5. ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები.
- 9.6. ხელშეკრულების ღირებულების შემცირება დასაშვებია ფაქტობრივად მიწოდებული შესყიდვის ობიექტის ღირებულების გათვალისწინებით.
- 9.7. იმ შემთხვევაში, თუ აუცილებელი გახდება ხელშეკრულებით გათვალისწინებული შესყიდვის ობიექტის საერთო რაოდენობის გაზრდა ან შემცირება, ანგარიშსწორება შემსყიდველის მიერ მოხდება ფაქტობრივად მიწოდებული შესყიდვის ობიექტის ღირებულების მიხედვით, ხოლო რაოდენობის გაზრდის შემთხვევაში ხელშეკრულებით გათვალისწინებული ერთეულის ფასი არ გაიზრდება.
- 9.8. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

10. ხელშეკრულების პირობების შეუსრულებლობა

- 10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად და ხელშეკრულებით განსაზღვრული პირობების შესაბამისად, რომელთა შეუსრულებლობის ან არაჯეროვანი შესრულებისათვის მხარეები პასუხს აგებენ წინამდებარე ხელშეკრულებით და საქართველოს კანონმდებლობით დადგენილი წესით;
- 10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების მე-10 პუნქტით.
- 10.3. თუ მიმწოდებელი, დამატებით ვადაში არ წარმოადგენს ან/და ვერ უზრუნველყოფს ინსპექტირების მიზნით წარმოდგენილი ეგზემპლარების შესაბამისობას ხელშეკრულების პირობებთან, - შემსყიდველი უფლებამოსილია შეწყვიტოს წინამდებარე ხელშეკრულება.
- 10.4. თუ მიმწოდებელი ხელშეკრულებით გათვალისწინებული შესყიდვის ობიექტის მიწოდების პირობებს ვერ შეასრულებს (საქონლის მიწოდების ვადა, ხარისხი) ან/და დაარღვევს კეთილსინდისიერების პრინციპს, შემსყიდველი უფლებამოსილია:
- ა) მიმწოდებელის მიერ ხელშეკრულების არაჯეროვანი შესრულებისათვის შეწყვიტოს წინამდებარე ხელშეკრულება.
 - ბ) ხელშეკრულებით გათვალისწინებული საქონლის მიწოდების ვადების ან გამოვლენილი ნაკლის/წუნის აღმოფხვრისათვის განსაზღვრული ვადის გადაცილების შემთხვევაში, მიმწოდებელს ყოველ გადაგადაცილებულ დღეზე დააკისროს პირგასამტეხლო ხელშეკრულების ღირებულების 0.2%-ის ოდენობით.
 - გ) თუკი პირგასამტეხლოს ოდენობა მიაღწევს ხელშეკრულების საერთო ღირებულების 5%-ს და მიმწოდებელი ვერ უზრუნველყოფს შესყიდვის ობიექტის სრულად მიწოდებას და/ან არ გამოასწორებს აღმოჩენილ წუნს/ნაკლს (ასეთის არსებობის შემთხვევაში) შემსყიდველი შეწყვეტს წინამდებარე ხელშეკრულებას. აღნიშნული ვადების გაგრძელება შესაძლებელია მხოლოდ ობიექტური მიზეზის დადგომის შემთხვევაში, რაც უნდა დადასტურდეს ფაქტობრივი მტკიცებულებით (დოკუმენტალური დადასტურება).
- 10.5. ხელშეკრულების შეწყვეტის შემთხვევაში, მომწოდებელს დაეკისრება ჯარიმა ხელშეკრულების საერთო ღირებულების 10%-ის ოდენობით.
- 10.6. შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება და აღუწაფაუროს მიმწოდებელს ფაქტიურად მიღებული საქონლის ღირებულება შემდეგ შემთხვევებში:
- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) მიმწოდებლის გაკოტრების შემთხვევაში;
 - გ) საქართველოს კანონმდებლობით გათვალისწინებულ სხვა შემთხვევებში

10.7. ხელშეკრულების შეწყვეტა ან/და საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულების შესრულებისაგან.

10.8. შემსყიდველს შეუძლია მოითხოვოს იმ ზიანის ანაზღაურება, რომელიც მას მიადგა მიმწოდებლის მიერ ხელშეკრულებით ნაკისრი ვალდებულების შეუსრულებლობით.

11. ხელშეკრულების მოქმედების ვადა

11.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2018 წლის 31 იანვრის ჩათვლით.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, შესყიდვის ობიექტის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

14. სხვა დებულებები

14.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან, შედგენილია ქართულ ენაზე, 4 (ოთხი) თანაბარი იურიდიული ძალის მქონე ეგზემპლარად, აქედან ერთი ეგზემპლარი გადაეცემა მიმწოდებელს, ხოლო სამი - შემსყიდველს.

„შემსყიდველი“

შსს ეკონომიკური დეპარტამენტის
დირექტორის მოადგილე

მურთაზ სიჭინავა

„მიმწოდებელი“


შპს „EL-GROUP“-ს დირექტორი

ზაალ სეზისკვერამე

"ფასების ცხრილი"									
№	საქონლის დასახელება	საქონლის ტექნიკური მახასიათებლები	საქონლის წარმოშობის ქვეყანა/მწარმოებელი კომპანია/საქონლის მოდელი (არსებობის შემთხვევაში)	გ/ე	რაოდენობა	ერთეულის ფასი (ლარი)	საერთო ღირებულება (ლარი)	მოწოდების ვადები	
								ხელშეკრულების გაფორმებიდან 30 დღის ვადაში.	გაბარების ვადებიდან, 2017 წლის 10 დეკემბრის ჩათვლით, - მოთხოვნიდან 10 კალენდარული დღის ვადაში
1	ნათურა ვარვარების 60ვტ.	E27, 60W, M50 230-60 710LM, GOCT P52706 MM	რუსეთი/კალაშნიკოვ/M50	ცალი	500	0.55	275.00	250	250
2	ნათურა ვარვარების 100ვტ	E27, 100W, M50 230-95 TY3466	რუსეთი/კალაშნიკოვ/M50	ცალი	5000	0.55	2750.00	2500	2500
3	ნათურა ვარვარების 200ვტ	E27, 200W, T230-200 A65 TY3468	რუსეთი/კალაშნიკოვ/A65	ცალი	800	1.5	1200.00	800	
4	ნათურა ვარვარების 500ვტ	E40, 500W, TY 3468, ამრეკლით;	რუსეთი/კალაშნიკოვ/A90	ცალი	500	5	2500.00	500	
5	ნათურა სარკოვანი 60ვტ.	E27, 60W, 220V-240V, R63, დაბურული	ჩინეთი/ ZENITH/ R63	ცალი	500	1.5	750.00	500	
6	ეკონომ ნათურა 11ვტ	E14, 11W, A-KLAS, 10000h, 660lm, თეთრი	ჩინეთი/ ZS/ E14	ცალი	500	3	1500.00	500	
7	ეკონომ ნათურა 13ვტ	I3 ვტ-ანი, ცოკლის გარეშე, სტარტერის ტიპის შესაერთებლით, YDN13S თეთრი ნათებით	ჩინეთი/ OPPL/ YDN13S	ცალი	500	6	3000.00	500	
8	ეკონომ ნათურა 45ვტ	E27, 45W, 10000hrs 2925lm, თეთრი ნათებით; მცირე	ჩინეთი/ ZS/ E27	ცალი	1000	4.5	4500.00	1000	
9	ეკონომ ნათურა 36ვტ	E27, 36W, 10000hrs 2160lm, თეთრი ნათებით;	ჩინეთი/ ZS/ E27	ცალი	1000	4.6	4600.00	1000	
10	ეკონომ ნათურა 36ვტ	E27, 36W, 10000hrs 2160lm, თბილი ნათებით;	ჩინეთი/ ZS/ E27	ცალი	500	4.6	2300.00	500	
11	ნათურა ლედი ტ-8	10W, 900lmn 2700K, თბილი ნათებით, სიგრძე: 0.6მ.	ჩინეთი/ ZS/ T8	ცალი	3000	5	15000.00	2000	1000
12	ნათურა ლედი ტ-8	10W, 900lmn 6400K, თეთრი ნათებით, სიგრძე: 0.6მ.	ჩინეთი/ ZS/ T8	ცალი	2000	5	10000.00	1000	1000
13	ნათურა ლედი ტ-5	T5, 8W, 85V-265V, სიგრძე: 0.6მ, ცივი ნათებით;	ჩინეთი/ ZS/ T5	ცალი	800	10	8000.00	500	300
14	ნათურა ლუმინისცენტური	32ვტ-ანი, მრგვალი ფორმის, JH-RG-32, 220V;	ჩინეთი/ MASTER/ T5	ცალი	500	3.5	1750.00	200	300
15	ნათურა მეტალოჰალოგენის	G12, 150W, 2700K, ფრჩხილებიანი;	ჩინეთი/ MAZDA/ G12	ცალი	200	15	3000.00	200	
16	ნათურა მეტალოჰალოგენის	E40 220V 150W, ხრახნიანი;	ჩინეთი/ MAZDA/ E40	ცალი	100	7.35	735.00	100	
17	ნათურა მეტალოჰალოგენის	G12, 150W, 6400K, ფრჩხილებიანი შესაერთებლით;	ჩინეთი/ MAZDA/ G12	ცალი	50	15	750.00	50	
18	ნათურა დიოდური 3ვტ.	3W, GU10, 240LM 50000h, სტარტერის ფორმის შესაერთებლით;	ჩინეთი/ CUP LIGHT/ G10	ცალი	50	5	250.00	50	
19	ნათურა ჰალოგენის 50ვტ.	G5.3; 50W, 220V, ფრჩხილოვანი ფორმის შესაერთებლით;	ჩინეთი/ FTL/ MR16	ცალი	20	2	40.00	20	
20	ნათურა t-5 14ვტ ზუდით	T5, 14W, თეთრი ნათებით, ზუდით;	ჩინეთი/ PHOENIX/ T5	ცალი	10	8	80.00	10	
21	პანელური სანათი	9W, 4200K 585LM, AC220-240V, TEMP: -20C +50C,	ჩინეთი/ ZS/ ROUND	ცალი	110	8	880.00	110	
22	ნათურა ტ-5	T5 HE 35W/865;	გერმანია/ OSRAM/ T5	ცალი	50	14	700.00	50	
23	ნათურა ტ-5	ანტიგანდალური სანათებისათვის, T5 HO 54W/865	ჰოლანდეთი/ PHILIPS/ T5	ცალი	180	12	2160.00	100	80
24	ჰალოგენის კაფსულა	G4, 20W, 220-240V, "Brilliant light"	ჩინეთი/ XR LIGHTING/ G4	ცალი	20	1	20.00	20	
25	პანელური სანათი 24ვტ.	24W, 4200K, 1560LM, AC220-240V, TEMP: -20C	ჩინეთი/ ZS/ SQUARE	ცალი	80	16	1280.00	80	
26	პანელური სანათი 18ვტ.	18W, 4200K 1170LM, AC220-240V, TEMP: -20C	ჩინეთი/ ZS/ SQUARE	ცალი	80	12	960.00	80	
27	პანელური სანათი 6ვტ.	6W, 4200K 390LM, AC220-240V, TEMP: -20C +50C,	ჩინეთი/ ZS/ ROUND	ცალი	100	5	500.00	100	
28	ნათურა უ.დ.ვ.	38 ვტ-ანი, ე.წ. "პეპელა", თბილი ნათებით, JH-2D-38;	ჩინეთი/ MASTER/ 2D-38	ცალი	20	6	120.00	20	
ჯამური ღირებულება სულ:							69600.00		

"შემსყიდველი"

შპს ეკონომიკური დეპარტამენტის
დირექტორის მოადგილე



"მიმწოდებელი"

შპს "EL-GROUP"-ის
დირექტორი

